



Сэргия Донцовагай фото

ЯАРАГТЫ! "АЛТАРГАНМНАЙ" ОЙРТОЖОЛ БАЙНА

Аймагууд "Алтарганада" хабаадагшаадайнаа тоо бүридхэлые майн 15 болотор мэдүүлжэ үүрдхэ ёһотой. Иимэ шиидхэбэри Правитель- стын Түрүүлэгшын орлогшо Владимир Матхановай хүтэлбэрлэлэн республикын эмхидхэлэй хорооной зүблөөн дээрэ абтаа.

Буряадай делегациин бүридэлдэ 800 хүн орохоор хүлээгдэнэ. Шэлэн абалгын дүрбэн конкурсн дүнгүүд согсологдонхой гэжэ мэдээжэ. Тиихэдэ нэеы гэрнүүдэй, журналистнуудай хүдэлмэринүүдэй, телефильмнүүдэй, фото-зурагуудай, залуу поэдүүдэй конкурснуудай илагшадые элирүүлхэ үлэнхэй.

Зүблөөндэ хабаадаһан Спортын болон физическэ культурын талаар республиканска агентствын хүтэлбэрлэлгшэ Владислав Бумбошкиной мэдээснээр, республикын суглуулагдамал команда 60 тамиршанһаа бүридэхэ. Тэдэнэй тоодо 18 барилдаашан, 5 шатаршан, 6 мори урилдаашан оролсоно. Шэлэн абалгын мурьсөөнүүд июль соо үнгэргэгдэхэ.

Июниин 30 болотор мурьсөөнүүдэй бэлдэлгые залан хүтэлбэрлэлгшэ томилогдохо, июлиин 1 болотор Буряадай делегациин штабай бүридэл элирүүлгэдэхэ.

Людмила ОЧИРОВА.

ХИЗААРЛАГДААГҮЙ АРГА БОЛОМЖО ОЛГУУЛХА

«Общество без барьеров» гэхэн эмхи Хори һууринда эрэмдэг зоной ажабайдалай асуудалаар үулзалга үнгэргөө. Аймагай библиотекын дэргэдэ үулзалгын үедэ эрэмдэг залуушуулай бүтээлнүүдэй выставкэ дэлгэгдээ.

Захиргаанай толгойлогшо Баир Жамбаловай ударидалга доро тушаа, хаалтагүй байдал эрхилхэ асуудалаар "дүхэриг шэрээ" үнгэргөө. Энэ тосхондо социальна удха шанартай эмхи, байшангууд бүхэндэ эрэмдэг зоной ямаршые тушаагүйгөөр орохо арга - пандусуудые зохиоһон байна. Эрэмдэгүүдэй нэгэдэлэй хүтэлбэрлэлгшэ Эржена Будаевагай тэмдэглэлээр, аймагта баригдаха шэнэ байшангууд эрэмдэг зоной байдал хайжаруулха онсо түхэлөөр баригдаха ёһотой. Энэ эмхи Мухар-Шэбэр, Тарбагатай болон Гусиноозерск хото ошохо түсэбтэй. Энэ

хэмжээ ябуулганууд Буряад Республикын Засаг турын болон Президентын захиргаанай дэмжэлтээр бии болгогдоһон "Доступная среда" гэхэн проектын шугамаар үнгэргэгдэнэ. Эрэмдэг зон ямаршые илгаагүй юрын зонтой адлихан ниитэ ажабайдалда хабаадаха ёһотой. Яагта хотодо хизаарлагданан арга боломжотой үхибүүдые нургаха ори ганса нургуули республика дотор эгээл түрүүн нэгдэнхэй. Энэ нургуули 3 лиффтэй, өөдөнх гаргадаг 2 түхээрлэлгэй, пандусууд болон эрэмдэг үхибүүдэй хэрэглэхэ онсо таһагууд зохиогдоһон. Мүнөө сагта эрэмдэг зоной байдал хайжаруулха ажал эмхи бүхэн хэбшье, нормативна эрилтэдэ таарама бэшэ пандусуудые бүтээнэ гэжэ Эржена Будаева онсолбо.

Людмила ОЧИРОВА.
Цырегма САМПИЛОВА оршуулба.



Сэргия Донцовагай коллаж

"ЛОТОС" АНСАМБЛЬ УРИНА

Майн 12-то Буряадай оперо болон баледэй академическэ театр соо "Лотос" гэхэн Зүүн зүгэй хатарай ансамблин концерт болохо юм. Дабтагдашагүй, өөрын "зохёохы нюуртай", Буряад ороной, Зүүн зүгэй, Түб Азийн (солонгос, монгол, япон, хитад, энэдхэг) Непалай хатарнуудые, композицинуудые харуулһан гоё найхан репертуартай тус ансамбль олон харагшадта хайшаагдадаг юм.

Буряад Республикнай олондо мэдээжэ ансамбльнуудһаа онсо маягаараа илгардаг "Лотос" ансамблинхид баян программатай. Зүүн зүгэй дабтагдашагүй пластика, эстетикэ харуулдаг, гаргама найхан костюмуудые олоной үзэмжэдэ дурадхадаг хатарай коллективэй номер бүхэн онсо өөрын драматургитай, гол хүсэл зорилготой байдаг юм.

Зүүн зүгэй арадуудай ехэ хүндэлдэг сээсэй найхание харуулһан нүддэ тэмдэгтэ тааралдуулһан нэртэй ансамблие анха түрүүшынхизэ Дандар Жапович Бадлуев (мүнөө мэргэжлэтэ, Гүрэнэй дуу, хатарай "Байгал" театрай хүтэлбэрлэлгшэ) байгуулһан байна. Харин мүнөө үедэ бэлиг талаантай уран найханай хүтэлбэрлэлгшэ, Россиин Правительствын "Душа России" гэхэн шаггай лауреат, Россиин болон Буряадай соёлой габьяата хүдэлмэрлэлгшэ Татьяна Вампилова ударидаһа,

Министерство культуры Республики Бурятия
Республиканский центр народного творчества

КОНЦЕРТ
ансамбля восточного танца

ЛОТОС

12 мая
1800 час.

ТЕАТР оперы и балета

455-815, 639-131, 603-014

бэрхэ балетмейстернүүд **Оюна Банзарон, Саяна Дашиева** энэ ансамбльдэ хүдэлнэ.

"Лотосой" концертдэ буряад эстрадын "одон", улсхоорондын конкурснуудай лауреадууд Дашима Соктоева, Баярма Батоцыренова,

"Дэнээ" гэхэн этно-фольклорно бүлэг, "Лотос" гэхэн багашуулай хатарай бүлэг хабаадаха юм. Ялас гэмэ хурса бэлигтэй "лотосой-хидой" концертдэ хатарта, дуунда дуратайшуулые ури-набди.

Бэлигма ОРБОДОЕВА.

АЖАҢУУДАЛАЙ ЭРИЛТЭ ХАНГАЛГЫН АСУУДАЛНУУД

Олзын хэрэг эрхилгэшэдэй 4-дхи заншалта үдэрнүүдэй семинарһаа тэмдэглэл.

Ажабайдалай шанар дээшлэлхэнэй шалтарһаа ажаһуудалай эрилтэ хангалга дээшлэлхэй. Нүүлшын 3 жэлэй туршада ажаһуудалай эрилтэ хангалга 1,4 дахин дээшлээ. Юрын байдалай элдэб асуудалнуудые олон зон өөһэдөө шиидхэхээ араса, эрилтэ хангалгын түбүүдтэ хандадаг болонхой. Мүнөөдэрэй байдлаар ажаһуудалай хэрэглэл түлбэрийн 9,3 % хуби эзэлнэ. Коммунальна, транспортна түһалбаринн нүүлээр удаадахи һуури эзэлнэ. Бүхыдөө республика дотор ажаһуудалай эрилтэ хангадаг 2,4 мянган эмхи тоологдоно. 504 парикмахерска, хубсаһа оёдог 208 эмхи, фото-зураг хэдэг 132, ритуальна түһаламжа хэдэг 83 эмхи тоологдоно. Эдэ эмхинүүдтэ 7,9 мянган хүн ажаллана.

2011 ондо 2 млрд. түхэригөө дээш түлбэрийн хангалга хэгдэнэ байна. Гэбшье ажаһуудалай эрилтэ бүрин хүсэд хангаданагүй. Улаан-Үдын 1000 ажаһуугшадта 35 эмхи тоологдоо наа, Яруунын болон Ивалгын аймагуудта оройдоол 0,4-0,2 процентээр хангадана.

Ажаһуудалай хангалга эрхилдэг бага ба дунда зэргын олзын хэрэг эрхилгэшэдэй 1,4 мянган эмхинүүд Улаан-Үдэдэ тоологдоно. Тэдэнэй хүлһэтэ түлбэрийн 12 %-тээр гарана. Зүгөөр хотын түб газарнуудаар иимэ түхэлэй эмхинүүд ехэ олон. Нэгдондо 88 эмхи байгуулагдаа, тэдэнэй оройдоол 7-нь заха газарта нэгдээ. Бүхы ажаһуудалай эрилтэ хангалгын аяар 41 % Октябрск райондо оршодог. Харин Советск райондо 28 % болоно, эндэ хубсаһа оёхо, гутал заһаха болон шиномонтажна эмхинүүд дуталдана.

Улаан-Үдэ хотын захиргаан томо наймаагүй газарнуудта ажаһуудалай эрилтэ хангалгын газарнуудые нээхэ, илангаяа нэгэ газарта хэдэн олон түһаламжа хээ аргатай эмхинүүдые дэмжэнэ.

Байгша оной нэгэдхи кварталда ажаһуудалай хэрэг хангалгын муу шанарай ушараар ехэ олон мэдүүлгэнүүд оронхой. Эндэ прейскурант угы, квитанци-үнэмшлэг үгөөгүй болон хэлсээ баталаагүй ушарһаа арсалдаан гарана. Мүн энэ талаар социальна удха шанартай эмхинүүдые хүжөөхэ комплексно программаны бэлүүлгэдэ хүдөөгүй муниципальна эмхинүүдэй толгойлогшоной анхрал татагдаба. Мүн эдэ эмхинүүдые "Ремесленная палата" гэхэн эмхи руу шэглүүлхэ тухай хэлсэгдээ. Ажаһуудалай эрилтэ хангалга хадаа бага болон дунда зэргын олзын хэрэг эрхилгэлгын гол шэглэл гэжэ тоологдоод, гүрэнэй талаар дэмжэгдэдэг. 2012 ондо Буряад орондо энэ хэрэгтэ 109 млн. түхэриг номологдонхой.

Людмила ОЧИРОВА.
Цырегма САМПИЛОВА оршуулба.